

2015
SENWESBEL

KENNISGEWING VAN
ALGEMENE JAARVERGADERING





KENNISGEWING VAN ALGEMENE JAARVERGADERING

BELANGRIKE REKORDDATUMS VIR ALLE AANDEELHOUDERS:

2015

INDIENING VAN VOLMAGVORMS EN STEMMING BY DIE
ALGEMENE JAARVERGADERING (ook elektroniese indiening)

**26 AUGUSTUS
OM 9:00**

REKORDDATUM VIR STEMMING BY DIE ALGEMENE
JAARVERGADERING EN DIVIDEND

28 AUGUSTUS

DATUM VAN ALGEMENE JAARVERGADERING

**28 AUGUSTUS
OM 9:00**

’n Aandeelhouer wat nie in staat is om die vergadering by te woon nie, kan ’n gevolmagtigde aanstel om hom/haar by die vergadering te verteenwoordig en om namens hom/haar daarop te stem en te praat.

Let asseblief daarop dat daar van deelnemers aan die vergadering (gevolmagtigdes ingesluit) verwag word om ’n aanvaarbare vorm van identifikasie te voorsien alvorens hulle geregtig sal wees om aandeelhoudersvergaderings by te woon of daaraan deel te neem. Aanvaarbare vorms van identifikasie sluit geldige identiteitsdokumente, rybewyse en paspoorte in.

Die volmagtform soos hierin vervat moet vir hierdie doel gebruik word en moet voor of op 26 Augustus 2015 om 9:00 by die Maatskappy se geregistreerde kantoor ingehandig word by wyse van pos, faks of elektroniese indiening ingevolge die vereistes wat in hierdie kennisgewing vervat is.

KENNIS GESKIED HIERMEE dat die negentiende algemene jaarvergadering van aandeelhouders van die Maatskappy gehou sal word in Kamer A, Konferensiesentrum, Senwes Hoofkantoor, Charel de Klerkstraat 1, Klerksdorp, op Vrydag, 28 Augustus 2015 om 9:00 ten einde die onderstaande aangeleenthede af te handel:



BELANGRIKE OMSKRYWINGS:

Aandeelhouders word in kennis gestel dat die volgende woorde in hierdie kennisgewing die volgende betekenisse het:

"die Aandeelhouders":	Die geregistreerde aandeelhouders of lede van die Maatskappy soos van tyd tot tyd in die aandeelhoudersregister weergegee.
"die Akte van Oprigting":	Akte van Oprigting van die Maatskappy.
"die Direksie":	Die Direksie van die Maatskappy.
"die Maatskappy":	Senwesbel Beperk.
"Senwes":	Senwes Beperk.
"die Wet":	Maatskappywet, 71 van 2008, soos gewysig, insluitend alle skedules en regulasies daartoe.

A. VOORLEGGING VAN DIREKSIEVERSLAG EN FINANSIËLE JAARSTATE SOOS ONDERSTEUN DEUR DIE OUDITKOMITEEVERSLAG

Om aan die vergadering voor te lê –

- die Direksieverslag en geouditeerde finansiële jaarstate van die Maatskappy vir die tydperk geëindig 30 April 2015*; en
- die Ouditkomiteeverslag, soos goedgekeur deur die Direksie.

(* 'n Afskrif van die volledige jaarverslag vir die 2015 finansiële jaar is beskikbaar op Senwes se webtuiste of op versoek by die Maatskappysekretaris by die Maatskappy se geregistreerde kantoor).

B. GEWONE BESLUITE

(Gewone besluite vereis die goedkeuring van 50% (vyftig persent) van die stemreg uitgeoefen ten opsigte van elke besluit.)

B1. GEWONE BESLUIT NR. 1: HERAANSTELLING VAN OUDITEURE

Besluit om die heraanstelling van die ouditeure, Ernst & Young Ing., soos genomineer deur die Maatskappy se Ouditkomitee, as onafhanklike ouditeure van die Maatskappy goed te keur om hierdie posisie te beklee tot die volgende algemene jaarvergadering van die Maatskappy.



Rede en gevolg:

Die rede vir gewone besluit nr. 1 is dat die Maatskappy se ouditeure op 'n jaarlikse basis by die algemene jaarvergadering aangestel of heraangestel moet word ingevolge die Maatskappywet.

B2 GEWONE BESLUIT NR. 2: AANSTELLING VAN DIE OUDITKOMITEE

Besluit om die volgende nie-uitvoerende direkteure van die Maatskappy aan te stel (gewone besluite nr. B2.1 tot B2.3) as lede van die Senwesbel Ouditkomitee tot ná die Maatskappy se volgende algemene jaarvergadering. Die Direksie beveel aan dat die Ouditkomitee uit die volgende drie nie-uitvoerende direkteure bestaan:

B2.1 Gewone besluit nr. 2.1:

NDP (Nico) Liebenberg, B.Com (Hons), Meestersgraad in Volhoubare Landbou.

Nico is 'n direkteur van Senwes, voorsitter van Senwes se Risiko- en Vergoedingskomitee en lid van Senwes se Ouditkomitee.

B2.2 Gewone besluit nr. 2.2:

AJ (Dries) Kruger, B.Compt (Hons), GR(SA).

Dries is 'n direkteur van Senwes en lid van Senwes se Beleggings-, Nominasie- en Ouditkomitee.

B2.3 Gewone besluit nr. 2.3:

JDM (Danie) Minnaar, B.Com

Danie is die voorsitter van die Senwes direksie, die voorsitter van Senwes se Nominasiekomitee en lid van die Beleggingskomitee. As voorsitter van Senwes is hy ex officio-lid van al die Senwes komitees.

B3 GEWONE BESLUIT NR. 3: BEKRAGTING VAN FINALE DIVIDEND

Besluit om die aanbeveling deur die Direksie goed te keur dat 'n dividend van 16 (sestien) sent per aandeel verklaar word ingevolge klousule 17.1 van die Akte van Oprigting.

(Ingevolge klousule 17.5 van die Akte van Oprigting mag die algemene vergadering nie 'n groter dividend verklaar as die dividend wat deur die Direksie aanbeveel is nie.)

(Nota: Dividende sal op ongeveer 4 September 2015 aan aandeelhouers uitbetaal word wat as sulks geregistreer is op die rekorddatum van 28 Augustus 2015.)

B4 GEWONE BESLUIT NR. 4: MAGTING VAN DIREKTEURE

Besluit dat mnr. Dries Kruger en/of mnr. Nico Liebenberg hiermee aangewys, opdrag gegee en bemagtig word om alle sodanige aksies te neem en alle sodanige dokumente te onderteken, (tot die mate wat dit nodig mag wees), alle sodanige dokumente in te dien by die Kommissie vir Maatskappye en Intellektuele Eiendom en te verseker dat die nodige aksies geneem word en dat alle sodanige dokumente ingedien word ten einde uitvoering te gee aan die spesiale besluite wat tydens die Maatskappy se 2015 algemene jaarvergadering aangeneem word.

C. SPESIALE BESLUITE

(Spesiale besluite vereis die goedkeuring van 66% (ses en sestig persent) van die stemregte wat ten opsigte van elke besluit uitgeoefen word.)

C1 SPESIALE BESLUIT NR. 1: ALGEMENE MAGTIGING OM AANDELE UIT TE REIK EN TOE TE KEN

Besluit dat:

As staande en algemene magtiging ingevolge Artikel 41 van die Wet en soos beoog in klousule 6.3 en 6.4 van die Akte van Oprigting, word en is die Maatskappy se gemagtigde maar onuitgereikte aandeelkapitaal, soos op die datum van hierdie besluit, hiermee onder die beheer van die direkteure van die Maatskappy geplaas tot die volgende algemene jaarvergadering, om sodanige gewone aandele aan sodanige persoon (persone) en op sodanige bepalings en voorwaardes toe te ken en uit te reik soos wat die direkteure in hul eie uitsluitlike diskresie kan bepaal; met dien verstande dat hierdie magtiging die uitreiking van gewone aandele, sekuriteite, opsies of regte wat daaraan verbonde is aan enige direkteure, voorgeskrewe beamptes of persone verwant of interverwant aan die Maatskappy, of 'n direkteur of voorgeskrewe beampte van die Maatskappy, soos beoog in Artikel 41(1) van die Wet, insluit.

Rede en gevolg:

Die rede vir hierdie spesiale besluit is omdat die Akte van Oprigting vereis dat aandeelhouers magtiging aan die Direksie verleen om aandele uit te reik. Die Wet vereis dat aandeelhouers magtiging verleen wanneer aandele aan direkteure en/of voorgeskrewe beamptes en/of verwante partye uitgereik gaan word.

Die magtiging word vereis om die Direksie in staat te stel om in 'n posisie te wees om uitvoering te gee aan die Maatskappy se strategieë ten opsigte van die behoud en uitbreiding van sy belang in Senwes en om aandele aan bestaande aandeelhouers uit te reik ten einde verdere kapitaal te verkry.

C2 SPESIALE BESLUIT NR. 2: MINIMUM AANVANKLIKE AANDEELHOUDING

Besluit dat:

1. Klousule 37.2.7 tot die Akte van Oprigting gewysig word deur die punt aan die einde van die sin te vervang met 'n komma met die gevolg dat die klousule soos volg lees:

"37.2.7 'n filiaal van die Maatskappy is,"

2. Na klousule 37.2.7 maar voor klousule 37.3 die volgende paragraaf ingevoeg word:
"met verdere voorwaarde dat indien 'n persoon voldoen aan die vereistes soos hierbo in klousule 37.2 uiteengesit, die persoon 'n minimum van 1 000 (eenduisend) aandele in die Maatskappy moet bekom indien die persoon vir die eerste keer 'n aandeelhouer van die Maatskappy word."

Rede en gevolg:

Die rede vir die spesiale besluit is om die Akte van Oprigting te wysig ten einde dit 'n vereiste te maak dat, benewens die vereistes soos reeds gestel in klousule 37.2 van die Akte van Oprigting, 'n persoon wat 'n aandeelhouer in die Maatskappy wil word, aanvanklik 'n minimum van 1 000 (eenduisend) aandele in die Maatskappy moet verkry, hetsy by wyse van 'n aankoop van aandele vanaf derdes of 'n inskrywing op aandele of op enige ander wyse.

C3 SPESIALE BESLUIT NR. 3: LOSPARTYAANBIEDING

Besluit dat:

Die volgende klousule as klousule 39 tot die Akte van Oprigting toegevoeg word en die huidige klousule 39 (Wysiging van die AVO) hernommer word na klousule 40.

39. LOSPARTYAANBIEDINGE

- 39.1 Indien daar met die implementering van enige lospartyaanbiedinge deur die Maatskappy, houders van aandele is wat in totaal minder as 1 000 (eenduisend) aandele ("lospartyaandele") in die Maatskappy besit ("lospartyhouders"), sal die Maatskappy, behalwe met betrekking tot lospartyhouders wat gekies het om hul lospartyaandele te behou of om hul lospartyaandele te vermeerder tot die besit van 1 000 (eenduisend) aandele in die Maatskappy –
- 39.1.1 veroorsaak dat die lospartyaandele verkoop word op die wyse waarop die Direkteure mag voorskryf; en
- 39.1.2 bemiddel dat die opbrengs van sodanige verkope aan sodanige lospartyhouders betaal word.
- 39.2 Alle onopgeëiste opbrengste (van sodanige verkope) kan deur die direkteure belê of andersins benut word tot voordeel van die Maatskappy totdat dit opgeëis word, met dien verstande dat sodanige opbrengste wat vir 'n tydperk van 3 (drie) jaar vanaf die datum waarop die direkteure veroorsaak het dat die lospartyaandele verkoop word, onopgeëis bly, deur die direkteure ten gunste van die Maatskappy verbeurd verklaar kan word.

Rede en gevolg:

Ongeveer 612 aandeelhouders hou sowat 230 000 aandele (m.a.w. minder as 0,2% van die uitgereikte aandeelkapitaal van die Maatskappy). Ten einde die administrasiekoste van die Maatskappy te verminder asook kommunikasie met aandeelhouders te vergemaklik, bestaan die behoefte om van tyd tot tyd 'n terugkoop van aandele gehou deur kleiner aandeelhouders te onderneem.

Die rede vir hierdie spesiale besluit is dus om die Maatskappy to magtig om die aandele wat gehou word deur aandeelhouders met minder as 1 000 (eenduisend) aandele van tyd tot tyd te kan terugkoop.

C4 SPESIALE BESLUIT NR. 4: FINANSIËLE BYSTAND

Besluit dat:

As 'n algemene goedkeuring in terme van Artikel 45 van die Wet, soos gewysig, mag die direkteure finansiële bystand (soos gedefinieer in die Wet), verleen aan enige verwante maatskappy van die Maatskappy, wat spesifiek insluit dat die Direksie sodanige reëlins namens die Maatskappy mag tref wat volgens hulle nodig is vir die finansiering, bystand of subsidiëring van enige van die Maatskappy se filiale en/of geassosieerdes en/of entiteite waarin die Maatskappy 'n belang het, en vir die waarborg van sy kontrakte, verpligtinge of laste, op welke wyse ook al, vir 'n periode van 24 maande vanaf die datum van hierdie besluit.

Rede en gevolg:

Die rede vir hierdie spesiale besluit is dat, alhoewel klousule 13 van die Akte van Oprigting finansiële bystand deur die Maatskappy aan onder andere verwante maatskappye magtig, Artikel 45 van die Wet vereis dat finansiële bystand aan verwante maatskappye slegs verleen mag word indien die aandeelhouders, by wyse van 'n spesiale besluit geneem gedurende die vorige twee jaar, sodanige finansiële bystand goedgekeur het. In praktyk behels dit dat Senwesbel nie enige nuwe befondsing aan sy filiale of geassosieerde maatskappye mag verleen nie, tensy dit deur die aandeelhouders goedgekeur word.

Die effek van hierdie besluit is dat algemene magtiging aan die Direksie verleen word om befondsing te verskaf aan sy filiale en verwante partye deur aandeelhouders eerder as deur middel van die staande magtiging in die Akte van Oprigting, onderhewig aan die bepalings van die Wet. Die magtiging word verleen vir 'n periode van twee jaar vanaf die datum van die spesiale besluit.

Besluit dat:

Ingevolge Artikel 66(9) van die Wet, betaling van vergoeding vir dienste aan nie-uitvoerende direkteure van die Maatskappy goedgekeur word vir die tydperk 1 September 2015 tot 31 Augustus 2016 soos uiteengesit in die onderstaande tabel; met dien verstande dat, sou die besluit nie aangeneem word nie, die vergoeding wat by die 2014 algemene jaarvergadering deur aandeelhouders goedgekeur is, betaalbaar bly tot die volgende algemene jaarvergadering in 2016.

KATEGORIE	Voorgestelde Vergoeding 2015 R
Voorsitter (per jaar)	253 537
Ondervoorsitter (per jaar)	177 476
Direkteure (per jaar)	128 248
Spesiale projekte (per dag)	2 270
Voorsitter (per vergadering bygewoon):	
Ouditkomitee	9 075
Lede van komitees (per vergadering bygewoon):	4 540
Reiskoste (huidige AA-tarief, gegrond op die waarde van 'n voertuig met 'n koopprijs van R500 000 en met 'n enjinvermoë van 2 501cc tot 3 000cc en 45 000 km of meer gereis per jaar)	Ongeveer R4,50 per km
Reis- en verblyfkoste	Werklike uitgawes

Rede en gevolg:

Aandeelhouders word versoek om die voorgestelde vergoeding betaalbaar aan nie-uitvoerende direkteure, met ingang vanaf 1 September 2015, soos uiteengesit in die spesiale besluit, te oorweeg en goed te keur. Die voorgestelde jaarlikse vergoeding sluit 'n inflasie-aanpassing in op die vorige jaar se vergoeding en 'n markverwante aanpassing gegrond op bestaande en goed nagevorste vergelykings.

Ingevolge die bepalings van klousule 29 van die Akte van Oprigting is direkteure geregtig op sodanige vergoeding as wat die Maatskappy van tyd tot tyd by wyse van 'n spesiale besluit by 'n algemene vergadering vasstel.

D. VERKIESING VAN DIREKTEURE

Ingevolge die statute moet mnre. AJ (Dries) Kruger en JDM (Danie) Minnaar ooreenkomstig die rotasiebeleid by hierdie vergadering uittree. Mnre. AJ (Dries) Kruger en JDM (Danie) Minnaar het aangedui dat hulle beskikbaar is vir herverkiesing.

Ingevolge klousule 26.6 van die Akte van Oprigting is nominasies vir die aanstelling van direkteure op 7 April 2015 van die lede aangevra. Slegs twee kandidate is behoorlik deur die lede genomineer vir die twee vakatures, naamlik mnre. AJ (Dries) Kruger en JDM (Danie) Minnaar.

Die twee genomineerdes is derhalwe aangestel as direkteure sonder dat nog 'n aandeelhoudersvergadering gehou hoef te word om direkteure aan te stel om die vakatures te vul.

Die verkorte curriculum vitae van mnr. Kruger is soos volg:

AJ (Dries) Kruger:

Volle name en van:	Andries Jacobus Kruger
Besigheidsadres:	Posbus 206, Kroonstad, 9500
Geboortedatum en ouderdom:	1 Junie 1951 (63)
Diensjare:	Direkteur sedert 2007
Kwalifikasies:	B.Compt (Hons), GR(SA)
Beroep/Posisie:	Dries het as geregistreerde rekenmeester en ouditeur gepraktiseer tot Februarie 2015.

Dries is die voorsitter van Senwesbel en 'n direkteur van Senwes. Hy is ook 'n lid van Senwes se Beleggings-, Nominasie- en Ouditkomitee.

Kontakbesonderhede:	Sel nr: 083 443 8053 e-pos: dries@smitkruger.co.za
---------------------	---

Die verkorte curriculum vitae van mnr. Minnaar is soos volg:

JDM (Danie) Minnaar:

Volle name en van:	Jan Daniël Marquard Minnaar
Besigheidsadres:	Springboklaagte, Pobs 7165, Kroonpark, 9502
Geboortedatum en ouderdom:	30 Januarie 1965 (50)
Diensjare:	Direkteur sedert September 1999
Kwalifikasies:	B.Com
Beroep/Posisie:	Danie boer sedert 1988 in die Kroonstad distrik en is al vir baie jare deel van die landbousektor.

Danie is die voorsitter van die Senwes direksie, die voorsitter van Senwes se Nominasiekomitee en lid van Senwes se Beleggingskomitee. As voorsitter van Senwes is hy ex officio-lid van al die Senwes direksiekomitees.

Kontakbesonderhede:	Sel nr: 082 411 9979 e-pos: danie@compuking.co.za
---------------------	--



ALGEMENE NOTAS

Alle aandeelhouders is geregtig om die vergadering by te woon en daarop te stem. Die aandeleregister van die Maatskappy soos op Vrydag, 28 Augustus 2015 sal, vir die doeleindes van die vergadering bepaal wie die verkiesbare lede is.

'n Aandeelhouer wat nie in staat is om die vergadering by te woon nie, mag 'n gevolmagtigde aanstel om hom/haar by die vergadering te verteenwoordig, daaraan deel te neem, daar te praat en namens hom/haar te stem of om toestemming namens die aandeelhouer te gee of te weerhou in 'n besluit soos beoog in Artikel 60 van die Wet.

'n Gevolmagtigde hoef nie 'n aandeelhouer van die Maatskappy te wees nie.

'n Aandeelhouer van die Maatskappy mag twee of meer persone gelyktydig as gevolmagtigdes aanstel en mag meer as een gevolmagtigde aanstel om stemregte uit te oefen met betrekking tot verskillende sekuriteite in die aandeelhouer se besit.

'n Gevolmagtigde kan sy of haar gesag om namens die aandeelhouer op te tree aan 'n ander persoon delegeer, onderhewig aan enige beperking wat uiteengesit word in die dokument wat die gevolmagtigde aanstel.

Ongeag die formaat van die dokument wat gebruik word om 'n gevolmagtigde aan te stel, word die aanstelling van 'n gevolmagtigde op enige tydstop opgeskort en in die mate wat die tersaaklike aandeelhouer kies om direk en persoonlik in die uitoefening van enige sodanige regte as aandeelhouer op te tree. Die aanstelling is herroepbaar tensy die gevolmagtigde se aanstelling uitdruklik anders aandui. Indien die aanstelling herroepbaar is, kan 'n aandeelhouer die benoeming van 'n gevolmagtigde herroep deur dit skriftelik te kanselleer, of deur 'n later strydige benoeming van 'n gevolmagtigde te maak; en 'n afskrif van die herroepingsdokument aan die gevolmagtigde en aan die Maatskappy te lewer. Die herroeping van 'n gevolmagtigde se aanstelling maak 'n volledige en finale kansellasië van die gevolmagtigde se magtiging uit om namens die aandeelhouer op te tree.

'n Volmagvorm is hierby ingesluit. Aandeelhouders mag ook besluit om volmagvorme elektronies in te dien.

Aandeelhouders wat verkies om deur middel van 'n gevolmagtigde verteenwoordig te wees en te stem –

mag die gedrukte volmagvorm invul ingevolge die instruksies op die keersy van die dokument en dit terugstuur aan die Maatskappysekretaris by die Maatskappy se geregisteerde kantoor te Charel de Klerkstraat 1, Klerksdorp, 2571 of deur middel van 'n faks of per pos, vir die aandag van die Maatskappysekretaris op of voor 26 Augustus 2015 om 9:00. Posadres: Posbus 31, Klerksdorp, 2570. Faksnummers: 018 464 2228 of 086 680 3124;

OF

mag elektronies deelneem deur volmagte elektronies via die Internet in te dien. Vir hierdie doel moet die volgende webtuiste besoek word: www.senwes.co.za. Die notas betreffende die invul van volmagvorme wat agterop die volmagvorm verskyn wat hierby ingesluit is, is mutatis mutandis van toepassing op elektroniese volmagte.

Daar sal van alle aandeelhouders of hul gevolmagtigdes vereis word om hulself by die vergadering te identifiseer.

Op las van die Direksie van die Maatskappy.

A E Scholtz

MAATSKAPPYSEKRETARIS

Tel. nr: 076 212 1776 / 012 751 6927

KLERKSDORP

30 Junie 2015



OPSOMMING VAN REGTE

VERVAT IN ARTIKEL 58 VAN DIE WET

Ingevolge artikel 58 van die Wet:

- kan 'n aandeelhouer van 'n maatskappy op enige tydstip en ooreenkomstig die bepalings van artikel 58 van die Wet, enige individu (insluitend 'n individu wat nie 'n aandeelhouer is nie) as gevolmagtigde aanstel om namens die aandeelhouer deel te neem aan, en te praat en te stem by, 'n aandeelhoudersvergadering;
- kan 'n gevolmagtigde sy of haar gesag om namens die aandeelhouer op te tree aan 'n ander persoon delegeer, behoudens enige beperking wat uiteengesit word in die instrument wat die gevolmagtigde aanstel (sien nota 10 op bladsy 11);
- ongeag die formaat van die instrument wat gebruik word om 'n gevolmagtigde aan te stel, word die aanstelling van 'n gevolmagtigde op enige tydstip opgeskort en in die mate wat die tersaaklike aandeelhouer kies om direk en persoonlik in die uitoefening van enige sodanige regte as aandeelhouer op te tree (sien nota 4 op bladsy 11);
- is die aanstelling van 'n gevolmagtigde deur 'n aandeelhouer herroepbaar, tensy die vorm van die instrument wat gebruik is om sodanige gevolmagtigde aan te stel, anders aandui;
- indien die aanstelling herroepbaar is, kan 'n aandeelhouer die aanstelling van 'n gevolmagtigde herroep deur (i) dit skriftelik te kanselleer, of 'n later strydige nominasie van 'n gevolmagtigde te maak; en (ii) 'n kopie van die herroepingsinstrument aan die gevolmagtigde en aan die maatskappy te lewer;
- 'n gevolmagtigde wat deur 'n aandeelhouer aangestel is, is daarop geregtig om enige stemreg van die aandeelhouer uit te oefen, of buite stemming te bly, sonder opdrag, buiten in die mate wat die tersaaklike maatskappy se Akte van Oprigting, of die instrument wat die gevolmagtigde aanstel, anders bepaal (sien nota 2 op bladsy 11);
- indien die instrument waarin 'n gevolmagtigde of gevolmagtigdes aangestel word, deur 'n aandeelhouer aan 'n Maatskappy gelewer is, en so lank as wat daardie aanstelling van krag bly, moet enige kennisgewing wat ingevolge hierdie Wet of sodanige maatskappy se Akte van Oprigting deur die maatskappy aan die aandeelhouer gelewer moet word, deur die maatskappy gelewer word aan –
 - die tersaaklike aandeelhouer; of
 - die gevolmagtigde of gevolmagtigdes, indien die aandeelhouer: (i) die maatskappy skriftelik opdrag gegee het om dit te doen; en (ii) enige redelike geld betaal het wat deur die maatskappy gehef word om dit te doen; en
- indien 'n maatskappy 'n uitnodiging aan aandeelhouders rig om een of meer persone aan te stel wat deur die Maatskappy as 'n gevolmagtigde genomineer is, of 'n vorm van instrument verskaf:
 - moet die uitnodiging na die vergadering waarop die volmag uitgeoefen kan word, aan elke aandeelhouer gestuur word wat geregtig is op kennisgewing van die vergadering;
 - moet die uitnodiging of vorm van instrument wat deur die maatskappy verskaf word:
 - 'n redelike prominente opsomming van die regte wat deur artikel 58 van die Wet bepaal word, bevat;
 - voldoende oop ruimte bevat onmiddellik voor die naam of name van enige persoon/persone wat daarin genoem word sodat 'n aandeelhouer die naam, en indien hy/sy wil, 'n alternatiewe naam van 'n gevolmagtigde kan neerskryf wat deur die aandeelhouer gekies word; en
 - voldoende ruimte vir die aandeelhouer laat om aan te dui of die aangestelde gevolmagtigde ten gunste van of teen enige besluit(e) moet stem wat aan die vergadering gestel gaan word, of buite stemming moet bly;
 - moet die maatskappy nie vereis dat die aanstelling van 'n gevolmagtigde onherroeplik gemaak moet word nie; en
 - die aanstelling van 'n gevolmagtigde slegs geldig bly tot aan die einde van die vergadering waarop dit beoog was om gebruik te word.



VOLMAGVORM

SENWESBEL BEPERK

(Geïnkorporeer in die Republiek van Suid-Afrika)

(Registrasienommer 1996/017629/06)

("Senwesbel")

Tensy dit anders gestipuleer word of duidelik blyk uit die samehang, sal alle begrippe met hoofletters in die volmagvorm die betekenisse hê wat daaraan toegeskryf is in die kennisgewing waaraan hierdie volmagvorm aangeheg is.

Vir gebruik deur aandeelhouders by die algemene jaarvergadering. Lees asseblief die opsomming en notas.

Ek/Ons (volle naam in drukskrif) _____

van (adres) _____

met ID nr. / Reg nr. _____ as houer(s) van _____ aandeel, stel hiermee aan:

1. _____, of indien nie hy nie, _____, of

2. die voorsitter van die algemene jaarvergadering,

as my/ons gevolmagtigde om namens my/ons op te tree by die algemene jaarvergadering ten einde die besluite wat daar, en by enige verdagting of uitstel daarvan, voorgestel word te oorweeg en, sou dit as aanvaarbaar geag word, aan te neem en om die stemme uit te bring ten opsigte van al die aandeel wat in my/ons naam/name geregistreer is, soos volg (dui met 'n "X" aan wat van toepassing is):

	TEN GUNSTE VAN BESLUIT	TEEN BESLUIT	BLY BUITE STEMMING
ALGEMENE JAARVERGADERING			
B1 Gewone besluit nr. 1: Heraanstelling van ouditeure			
B2 Gewone besluit nr. 2: Aanstelling van die Ouditkomitee:			
B2.1 Gewone besluit nr. 2.1: Mnr NDP Liebenberg			
B2.2 Gewone besluit nr. 2.2: Mnr AJ Kruger			
B2.3 Gewone besluit nr. 2.3: Mnr JDM Minnaar			
B3 Gewone besluit nr. 3: Bekragtiging van finale dividend			
B4 Gewone besluit nr. 4: Magtiging van direkteure			
C1 Spesiale besluit nr. 1: Algemene magtiging om aandeel uit te reik en toe te ken			
C2 Spesiale besluit nr. 2: Minimum aanvanklike aandeelhouding			
C3 Spesiale besluit nr. 3: Lospartyaanbieding			
C4 Spesiale besluit nr. 4: Finansiële bystand			
C5 Spesiale besluit nr. 5: Direkteursvergoeding			

(Dui opdrag aan gevolmagtigde aan by wyse van 'n kruisie in die blokkie wat hierbo voorsien is.)

Geteken te _____ op _____ 2015.

Handtekening(e) (sien nota 6)

Name van ondertekenaar(s) (volle naam in drukskrif)

Bygestaan deur (sien nota 8) (volle naam en hoedanigheid).


Faks nr: **086 680 3124** of **018 464 2228**

E-pos: **claudi.smit@senwes.co.za**



NOTAS TOT DIE VOLMAGVORM

1. 'n Aandeelhouer mag die naam/name van een of meer gevolmagtigdes van die aandeelhouer se keuse in die ruimte(s) wat voorsien is, invul deur of sonder om "die voorsitter van die algemene jaarvergadering" te skrap, maar die aandeelhouer moet enige sodanige skrapping parafeer. 'n Gevolmagtigde hoef nie 'n aandeelhouer van Senwesbel te wees nie. Die persoon wie se naam eerste op die volmagvorm verskyn en wat by die algemene jaarvergadering teenwoordig is, sal geregtig wees om as gevolmagtigde op te tree en diegene wie se name volg sal uitgesluit wees. In die geval waar geen name aangedui word nie, sal die voorsitter van die algemene jaarvergadering die volmag uitoefen.
2. 'n Aandeelhouer se instruksies op die volmagvorm moet aangedui word deur die tersaaklike aantal stemme wat deur die aandeelhouer uitgeoefen kan word op 'n stemlys in die toepaslike blokkie(s) in te voeg. Indien 'n volmagvorm ontvang word wat behoorlik onderteken is, maar met geen aanduiding van hoe die persoon wat daarin genoem word oor enige aangeleentheid moet stem nie, mag die gevolmagtigde stem of buite stemming bly na goeddunke tensy die volmagvorm anders aandui.
3. Volmagvorme moet aan die Sekretaris gelewer word –
 - per hand: Charel de Klerkstraat 1, Klerksdorp, 2571, Noordwes;
 - per pos: Posbus 31, Klerksdorp, 2570;
 - per faks: aan 086 680 3124 of 018 464 2228;
 - elektronies: by www.senwes.co.za; of
 - per e-pos: claudi.smit@senwes.co.zasodat dit deur die Sekretaris ontvang word teen nie later nie as 48 (agt-en-veertig) uur voor die aanvang van die algemene jaarvergadering. Enige volmagvorm wat nie teen hierdie tyd ontvang is nie, moet aan die voorsitter van die algemene jaarvergadering oorhandig word alvorens die aangestelde gevolmagtigde enige van die aandeelhouer se regte by die algemene jaarvergadering (of enige verdagting van die algemene jaarvergadering) uitoefen.
4. Die invul en aflewering van hierdie volmagvorm sal geensins die aandeelhouer uitsluit daarvan om die algemene jaarvergadering by te woon, daarop te praat en te stem nie. Die gevolmagtigde wat ingevolge daarvan aangestel is, sal dan uitgesluit wees.
5. Die voorsitter van die algemene jaarvergadering kan enige volmagvorm verwerp of aanvaar wat ingevul is en/of anders as ooreenkomstig hierdie notas ontvang is, mits hy tevrede is met die wyse waarop die aandeelhouer wil stem.
6. Dokumentêre bewys wat die magtiging vasstel van die persoon wat hierdie volmagvorm in 'n verteenwoordigende hoedanigheid onderteken (bv. namens 'n maatskappy, trust, pensioenfonds, bestorwe boedel, ens.), moet aan hierdie volmagvorm geheg wees, tensy dit tevore deur die Sekretaris aangeteken of van afstand gedoen is deur die voorsitter van die algemene jaarvergadering.
7. Waar aandele gesamentlik besit word, moet alle gesamentlike houers die volmagvorm onderteken.
8. 'n Minderjarige moet deur sy/haar ouer of voog bygestaan word, tensy die tersaaklike dokumente wat sy/haar wetlike hoedanigheid vasstel, gelewer word of deur die Sekretaris aangeteken is.
9. Enige verandering aan hierdie volmagvorm, behalwe die skrap van alternatiewe, moet deur die ondertekenaar(s) onderteken en nie net geparafeer wees nie.
10. 'n Gevolmagtigde mag nie die gesag wat aan hom/haar verleen is met betrekking tot die volmagvorm aan iemand anders as die voorsitter van die algemene jaarvergadering delegeer nie.
11. 'n Stem wat kragtens die bepalings van 'n volmaginstrument uitgebring is, sal geldig wees ondanks die afsterwe of verstandelike ongesteldheid van die prinsipaal of herroeping van die volmag of die gesag waaronder sodanige volmag uitgeoefen is, of die oordrag van aandele ten opsigte waarvan die volmag gegee is, mits geen skriftelike aankondiging van sodanige dood, kranksinnigheid, herroeping of oordrag soos hierbo genoem deur die Maatskappy ontvang is by sy geregisteerde kantoor voor die aanvang van die algemene jaarvergadering of enige verdagting of uitstel daarvan waar die volmag gebruik word nie.





KORPORATIEWE INLIGTING

SENWESBEL BEPERK

Reg nr: 1996/017629/06

POSADRES

Posbus 31
Klerksdorp
2570

GEREGISTREERDE KANTOOR

Charel de Klerkstraat 1
Klerksdorp
2571
Telefoon: 018 464 7800
Faks: 018 464 2228

OUдитеURE

Ernst & Young Ingelyf
Privaatsak X14
Sandton
2146

BELEGGERVERHOUDINGE

Aandag: Die Maatskappysekretaris
Senwesbel Beperk
Posbus 31
Klerksdorp
2570
Telefoon: 018 464 7104
Faks: 018 464 7121

FINANSIERINGSVENNOOT

Absa Beperk
Posbus 10154
Klerksdorp
2570